

爨桐吟草

卷一

醉鄉老人傳

醉鄉老人者其自號也老人自九齡入塾迄今五十年未嘗一日廢書而嬉少時慕陳同甫辛稼軒之爲人往往睥睨今古有不可一世之概年四十困於春官以舉人官中書非其志也宣統中升補起居注漢主事不逾年而國體遂變老人拂袖歸來自分長爲農夫以沒世矣猥以食指太繁不得已衣食於奔走洎帝制發生乃縱情詩酒與田夫野老酣嬉淋漓顛倒而不厭老人其參軍步兵之儔乎不然何其擺脫一切如是耶老人性劉氏名煥書字子丹吾師也作醉鄉老人傳

民國九年五月朔日

門人金得春拜撰

爨桐吟草全集叙

爨桐吟草全集成

春

又得而抄之讀之 先生年愈老

而律愈細飲酒益多而作詩益豪豈參軍步兵之流亞耶抑古之傷心人而別有懷抱者耶

門人金得春拜撰

余性拙平生除飲酒讀書外別無嗜好國變後益縱情詩酒得句輒拉雜書之工拙不計也前後共得若干首此亦如候蟲時鳥自吟自賞而已若欲持以問世則醜女效顰適形其醜烏乎敢

醉鄉老人自題

叙

吾友劉子丹主政以名孝廉於前清光宣時官京師十餘年博涉經史於書無所不讀性好友結納多名流時余亦以菲材濫廁詞垣同居京邸自以拘迂不敢輕言投報而獨於子丹有神契相見時輒笑言忘倦幾不知日之蚤暮也爰是與李大令合乾同爲歲寒三友之盟迄於今忽忽者已六七年矣世運滄桑國體屢變民國初元先後歸里余以無狀僅權學務一載子丹亦以謀生之故權權政者數年所至之處公餘稍暇陶情詩酒

結客爲歡今冬余以窮居無聊濫膺師範講席之聘子
丹亦以卸篆孤山寓居省邸朝夕往來握手言歡依依
如往日燕市歌哭時也談次出近日所爲古近體詩若
千首清麗芊綿翛然塵表而其古體詩言及身世暨友
朋離索之感尤爲悱惻芬芳沁人心脾將付梓囑爲弁
言於首余以不肖誠不足以友天下士然以子丹之天
性純篤風義是敦而又謬相引重宜其不後於古人矣
此余所以臨文嗟悼俯仰無端而不自知其悲喜之交
集者也是爲叙

前翰林院侍講學士同盟弟世榮拜撰

余山居無事六經三史諸子百家佛經釋典無所不讀
咿唔之暇間作爲詩歌以消遣歲月次而輯之聊以存
山中本來面目而已

醉鄉老人再題

叙

子丹先生狷介士也自國變歸來卽擬終身不出甘爲
農夫以沒世頃之至親近友憐其饗殮之維艱也勸之
衣食於奔走不得已隨人作計者三年自帝制發生先
生遂賦初衣日飲酒讀書教其孫摹秦漢以上文字並
以其暇講程朱陸王之學居然無懷葛天之民矣一日

酒酣出其古近體詩若干首命叙於春讀之感舊思今
情見乎詞古色古香令人目不暇給春譏陋不文何足
以叙先生之詩因固辭先生正色曰子知我者何辭爲
尤悔庵云吾人歲暮無徒後起奇才不妨引爲忘年之
契余於生今日亦當作如是云云春聆先生之訓不敢
再辭因叙諸簡端以當如來頭上着糞云爾

門人金得春拜叙

子丹先生顏其齋曰爨桐蓋竊附中郎爲知音也其
自負可知矣

得春又題

王心齋比部之世父母重拜花燭

花燭逢周甲茲事古來少眼見百年人八十未爲老
唱隨六十年形影看翁媼朝朝暮暮新歲歲年年好
平生不讀書大義頗能曉愛姪如愛子教養庶兼到
詔書自天下五色光繚繞先生亞伯鸞孺人比德曜
孫曾玉笋聯傳家惟忠孝子婦侍左右問寢聽雞早
猶子官京師開筵慶壽考所交半人豪清詩俱入妙
予忝交游末蠡能識崖略闡發未十一聊以資頌禱
願奉酒滿卮臨風博一笑

己酉出禁煙公所感賦

何愛七品官只爲一碗飯朝爲紫薇郎暮作芙蓉犯
虎吏陪我坐魚肉飽我腸釋我芙蓉犯還我紫薇郎

委吏一首贈李合乾明府趙幼樵部郎

扶餘充委吏視事在春初其時舊縣尹一見歡有餘
又有趙郎中數載長安居本來襟抱合却悔形跡疎
邇來重聚首出入共里閭論詩鄙漁洋論文擬相如
或山而觀樵或水而觀漁不然逝南畝閑步看菑畬
縣尹赴遼源法律當詩書執手河橋上臨行重踟躕
郎中伏田園樽酒日相於胡爲舍簪笠又欲佩瓊琚
烏公奪溫造韓子氣不舒人皆速之行我欲挽其袂

時至不可留攬轡快登車願乘西南風遺我雙鯉魚
作詩聊長吟秋風入襟裾

幼樵喜余五古因走筆以謝知己並以勗幼樵
也

我交天下士歲晚得秋谷針芥每相投盃酒往來熟
其氣芬如蘭其人淡如菊獨結山水緣不與聲華逐
我嘗過其齋四時蒔花竹妻子與奴婢一室敦雍睦
開軒宴賓客閉戶勤誦讀何必踏紅塵且消此清福
東坡蓋代才恨失李方叔繫余獨何幸推心置君腹
人世方擾擾幾輩梯榮祿我亦隨其後昕夕徒碌碌

君厨亦有酒君食非無肉莫作汗漫游且學傅巖築

寄懷榮社宇

荷花初出水君來先雙鯉執手語未終僕夫催行李
荷花映日紅君來自西豐坐席未及煖行色又匆匆
送君南門外一水如襟帶隔河遙相望去住兩無奈
憶昔長安居詩酒歡有餘赫赫公卿間日走冷官廬
論文追秦漢論人森月旦態不逐炎涼胸中無冰炭
或藉陳榻眠或饜郇厨鮮冷吟與閒醉忽忽六七年
俄而大風雨吹倒庭前樹飛散各一方欲語傾肺腑
君來令人歡君去涕洟瀾非無一樽酒味薄情亦酸

情酸喚奈何搔首發狂歌
是然聽足音願子重來過

賞荷

此地鶯花少紅紫閱春杪
我來六閱月瞥眼新秋早
聞說金縷河花開紅剎
曉亭亭出水蓮映日十分好
頃偕趙郎中故向池邊繞
沿堤看新荷小坐藉芳草
憶昨赴西村花前同醉飽
蓮葉接菰蒲蓮實勝秔稻
維時旱太甚田苗半枯槁
祈年逾老農亦嘗虔心禱
安得水如天重把蓮舟掉
煙水結深盟秋老花不老

飲趙幼樵宅中

飲酒復飲酒欣然酌大斗
不知天地寬惟見交情厚

我暇輒過君雙扉經百叩尙論窮古今高談驚戶牖
握手劇流連舉爵相先後君有酒如泉不必謀諸婦
一盃勸一杯小阮鈎藏手射覆有機心意在潢南叟
我明知其然倔強忘老醜較量薄公榮亡何笑指口
一斗固不亂一石亦能受扶藉陳榻眠偏躑郭履走
歸來大嘔吐君車到門首此情愧莫當此意極悠久
相期釀熟時莫忘平生友

幼樵餽酒賦此謝之

正覺喉中燥白衣送酒來始知故人情一縷遍八垓
昨夕酒味薄懷抱未能開只有夾道花臨去重徘徊

歸檢尊中物少陵有舊醅持以贈老友此亦詩之媒
我性非嗜飲見友纔貪杯我友惟有君相與傾餅壺
開樽輒思友履迹看莓苔見花輒思酒色似黃玫瑰
燕市舊酒人君瘦我髭鬚天涯重品酒顧影不須猜
市沽甯不飲枯腸任鳴雷只有郎中酒味獨美于回

中秋對月

開窗望明月輾轉不能寐佳節客中過往往生秋思
抱膝坐燈前涼風颯然至四壁聽蛩鳴觸起心中事
憶昔燕市游萬錢謀一醉攜友過花叢香風吹茉莉
髭影與釵光顏色十分膩忽忽十餘年情景如隔世

昨緘一紙書遠向長安寄願借明月光看我數行字
寥寥虛室中夜氣涼如水每念平生友更深涕輒墜
年華如矢催滄桑忽變易西風從西來吹我落邊地
八月桂花發中夜萬感集望月到天明作詩聊寫意

寄懷王心齋

辛亥與君別風雲幾變遷東西隔千里契濶已三年
憶昔同游日追隨無後先或飲酒一斗或吟詩百篇
或下陳蕃榻或上米顛船或游梵王宮揮麈談虛玄
或走臙脂坡執手辨媼妍忽忽六七載燕市劇流連
離合會有時世無不散筵西曹滯鴻羽俄而趁風騫

作序送君行情誼倍拳拳置酒長安市臨風淚泣然
君去無多日大陸起烽烟風聲兼鶴唳魂夢驚南天
別來各無恙相思燕雁傳每得一紙書如獲拱璧焉
君長龍沙校我着孤山鞭努力復努力願子且加餐

留別幼樵

春自同昌來秋自扶餘適送我山水間此福亦天賜
山能鬱我奇水能明吾志寄語趙郎中不必苦相憶
傳聞大孤山川渟兼岳峙惟少一詞人與作山水記
世無柳子厚辜負山蒼翠世無蘇東坡辜負水明媚
我雖不工文亦有山水癖天遣摧斯士未必無深意

留別幼樵弟並以謝其尊人

人生天地間萬事一仰俯眼前所歷者儘可從頭數
我初下車日春冰泮南浦來日雪纔消去日菊又馥
閱世青山新此地扶餘古亦知官如泥叵奈戀斯土
秀民有萬家富室盈千戶厥有素心人不厭腐儒腐
朝見談詞章暮見講訓詁論文祖韓歐賦詩宗李杜
萬人浩如海兩人托肺腑正覺興致高倏有別離苦
送我孤山行留我三夜宿燭剪西窗雲門閉黃昏雨
君家賢喬梓與我共水乳詩篇互唱酬禮數足賓主
我作海濱游山水恣吞吐黃龍一日留痛飲傲忠武